

福建續志卷三十

名宦四

汀州府

宋

危建侯邵武人元豐進士知寧化縣不任刑罰專以

德化民民懷之生子多以危名者志府

鄒括泰寧人紹聖中進士知寧化建學訓士待人以

恩信去之日民立祠以祀志府

鄭柟致和中任寧化黃土砦巡檢有平寇功志府

趙時鎬宋宗室寧化當紹定兵燹之後邑治爲墟時

福建續志

卷三十 名宦四

一

鎬爲宰築城修學創縣治葺民廬士民誦之志府

明

劉亨鄭州人洪武間令上杭新學校建壇壝在任五

年逃亡悉集薦胡時邱子瞻時稱得人志府

黃敏洪武中爲汀州衛指揮僉事廣賊謝士真寇邑

敏率軍勦捕賊遁走復築城分軍守禦志府

伍希閔安福進士御史驥之子成化間分巡漳南道

駐上杭時賊劉昂濫留生邱隆等聚衆猖獗希閔

招撫之降者千餘人立二團營處之昂等勢孤皆

就縛餘黨解散旋以憂去宏治五年賊劉廷用復

聚衆來劫南贛巡撫金澤薦希閔才抵任募驍勇
李福瑛鄧維端勦之寇悉平志府

趙智江寧人成化九年署歸化教諭時學宮初建士
未習禮智教以進退揖讓日進諸生授經講解未
二年有登賢書者志府

程材歙縣人宏治間進士授汀州推官嘗與巡按御
史據法爭一囚御史曰我不知法耶材抗論不已
御史忽悟曰推官言是也幾悞殺一人矣舉廉卓
授御史志府

王環新昌人知永定縣時邑草創環興利除害有惠

福建續志

卷三十 名宦四

二

政志府

向陞武平所百戶正德四年賊曾惟茂等攻城劫掠
陞募兵轉戰多所擒獲賊又進據焦頭壩掛坑等
處陞擁衆先登誅斬無算死於陣事聞世襲其子
爲本所副千戶志府

周楹安福舉人正德間令寧化適賊攻邑身詣諭之
賊挾之去不爲動賊義而歸之臨去謂賊爾輩所
虜皆良家子女忍困之乎賊悉還焉歸而繕城隍
固守禦賊遂平志府

潘時宜永豐舉人嘉靖中令寧化修縣治創書院設

學田士氣振興志府

查仲道字文夫寧州人以謫知汀州有惠政卒於官

民立祠祀焉志府

劉宗寅字子肅江西萬安人署連城縣事邑苦饒寇

宗寅兩定其亂歲饑捐賑民賴以甦志府

陳添祥沂門舉人嘉靖末令寧化值流賊攻縣添祥

守禦有方屢擊敗之志府

毛子翼餘姚舉人隆慶四年判汀州革包攬平斗斛

聽民散納以羨餘推給貧士志府

桑大協常州人隆慶間令清流釐正戶口申豁至三

福建續志 卷三十 名宦四 三

千丁有奇志府

劉玉成號谷溪太倉州人萬歷初以進士授汀州司

理不事鈎棘訟簡刑清以最內召尋復出守汀州

喜接引後進士風丕變人比之文翁歷宮湖廣叅

政志府

萬振孫合肥人萬歷間以進士守汀州加意學校建

龍山學舍以課士學使按部振孫請加九學科額

四十名捐俸增貢院號舍汀人士至今思之志府

陳正蒙字穉開歸善進士萬歷中知歸化縣清廉慈

愛禁蠹役卻餽遺捐俸構文興書院卒於官貧不

能殮聞者莫不流涕

志府

周憲章江陰人萬歷間令歸化懲猾胥清耗累多所
修建皆捐俸爲之

志府

沈應奎字伯和武進舉人萬歷間守汀清介剛正除
莠安良境內大治祀李少師綱文丞相天祥以自
勵闢陂濬泉課士修廢以循卓稱稅璫高竄將自
汀入粵應奎大書榜示欲率吏民擊之璫懼不敢
入境有霹靂巖蓮峰靈隱洞諸咏

志府

聶尙恒字久吾新淦人萬歷間令寧化政簡刑清不
阿權要甚得民兼精醫每公事旁午疾首環候診

福建續志

卷三十 名宦四

四

視一一周給無倦色又時遣使至其家問痊否若
親子弟焉 國朝崇祀醫廟

志府

蔣育馨長洲舉人令清流拒連邑飛派浮糧設倉廩
移驛地增城樓民咸德之

志府

朱大典金華進士任給諫疏觸魏璫調外天啓六年
任漳南道駐上杭值水災民乏食大典捐俸賑饑
民賴以甦公餘令營伍訓習兵法軍容大整明年
流寇出劫邑以有備得全

志府

何守成分水舉人知永定縣創學田建義倉舊增三
千餘丁力爲請止有前有王父後有許母賢哉何

侯二公接武之謠志府

徐日隆鄖西人崇正中爲寧化令值中宜寇作懸賞格購盜不一月皆就擒寧民爭醵金償所捐賞格日隆麾辭不得乃解供楚餉

祝禧武平所千戶崇正辛未廣寇據永平寨禧力戰死百戶王國耀邱泰俱殉焉志府

陶志學武平所百戶藍塘之戰與其子鈗百戶徐治王道垣俱力戰死志府

羅萬藻字文止臨川舉人崇正末知上杭縣時寇賊充斥兵餉無額暫支河稅旋上司檄解軍心騷然

福建續志

卷三十 名宦四

五

萬藻爲力請得免解鄉兵賴廷漢等十三人劫來蘇里擒置獄其黨練勝龍擁衆幾二百人有號狼頭星者謀內應之變起倉卒萬藻斃其渠魁餘黨悉散民賴安堵志府

國朝

周亮工祥符進士順治間以本省叅政駐節上杭時山海交警亮工日夜登陴戒嚴撫慰軍卒中軍呂吉橫肆亮工廉知其狀捕置之法革巡道衙門供應尤加意造士雖羽書旁午猶汲汲於人才省旋日士民無不流涕攀留者志府

許賓字于王福州人浙江督學豸子清流訓導講學
明倫尤汲引善類孜孜如不及被容接者如坐春
風以卓異歷御史志府

許廷鏞字子遜吳縣舉人雍正間知武平縣吏事明
敏不事鉤距而人無敢詆欺者工詩古文詞精騎
射人士沐其教如坐春風中忘其爲長吏之堂也
以累罷空手而歸乾隆辛酉中丞王恕延主鼇峰
講席邑人聞之有不遠千里裹糧問業者歸愚文鈔

史園歸安人由乾隆丙辰庶常出知上杭絕苞苴清
訟獄嚴戢盜賊境內肅清歲稔捐俸糴江廣粟以

福建續志

卷三十 名宦四

六

賑饑尤汲引士類躬爲督課獎進之文風爲之一
變卒於官士民尸祝焉縣志

張文偉襄平人令長汀除漕弊陋規修 文廟拓齋
廡蒐輯邑乘以廣文獻獄無大小聽斷必以情亦
無留牘自奉清苦攝郡司馬篆扣退運米以甦民

困縣志

福寧府

宋

楊志字存誠龍溪進士嘉定間令長溪百廢俱舉大
者如砌楊梅嶺建金波橋民咸思之判廣州卒府志

林子勳字翼之永康人淳祐中知福安縣時縣初建諸凡草創子勳經理有條居官以廉謹聞

志府

詹棨字德寬崇安人嘉熙中進士令福安有婦陳氏死非命棨覆驗得竹刃於腹寃乃直遷瑞州法曹

志府

元

林天賜至正中知福安縣時有盜魁邱寧久肆剽掠天賜以計擒之值歲饑詢民疾苦以慈惠聞

志府

明

黃溥字孟周洪武四年知寧德縣建學校禮師儒爲

福建續志

卷三十 名宦四

七

政以廉平著

志府

鄭齊江山人永樂中令福安興學校均徭役恤鰥寡去後人思之

志府

劉廣衡萬安人以御史撫閩浙景泰間壽寧鄭懷茂亂廣衡與副使沈訥討平之議請設縣民思其功立祠以祀子喬孫玉相繼官閩副使

志府

沈訥吳縣人景泰間任按察司副使督理銀場討台山寇中鎗飲矢戰益力卒殲醜類民德之與劉廣衡俱祀報功祠

志府

胡庭芳字子蘭東筦人監生景泰間知福寧縣廉慎

恤民加意學校公暇集諸生講課入覲卒志府

何喬新字廷秀廣昌進士成化中以建寧道按部福

寧奏復縣爲州建王伯顏祠勘恤福寧水災歷官

刑部尙書謚文肅志府

馬迪字惠吉仁和人成化十六年任州同修舉廢墜

凡便民者無不爲善詩篆所至多留題志府

馬時中字希德潮陽人成化中知福安縣政尙簡要

勸農桑興學校俱有成效人多稱之志府

蔣輝全州舉人以邵武同知署州事均民徭役貧富

不偏民德之志府

福建續志

卷三十 名宦四

八

楊澤天台進士以憲副行部至州修學宮集諸生講

論若師友祀朱子於般若庵葺王伯顏祠志府

李時東筦舉人宏治十六年知州事慈祥樂易正德

戊辰入覲藩臬科金以賂闖瑾不應臬復欲罰民

清軍道時陰主民勿往役臬怒時曰政體自下而

上事宜由州覈後竟寢志府

李長字復之縉雲進士授戶科給事中正德十四年

以直言謫州判蒞政廉明人不敢干以私署縣篆

旌善鋤奸時稱神明志府

鄭嘉祥字應麟南海人正德間任寧德典史剛直不阿

歷官六載多所贊畫尊師儒重學校士民頌之

志府

羅幹永豐人倫子正德舉人知寧德縣剛介果毅以教化爲先朔望謁廟升堂進諸生講學示以修己

安人之要在官三年法立令行人不敢干

志府

葉稠嘉靖八年知寧德縣儲穀以防饑購田以贍士建書院表章陳石堂韓古遺諸君子改白鶴故道

擢知合州

志府

夏汝礪字維金融縣人以南安令擢知州事開義井培雉堞有能聲改官時方鑿泮池架石橋其上猶給直而後行

志府

福建續志

卷三十 名宦四

九

舒春芳鄱陽進士分巡建寧聞倭警兼程至州募客兵萬餘躬甲冑與三沙大金等倭戰於赤岸橋復聚鐵製銃以金錢爲的中卽與之兵益精倭復攻城火箭齊發賊宵遁

志府

徐作號念吾南昌進士以叅政巡州政尙簡靜城東西隅近山賊得憑高窺伺作建敵樓蔽之至今賴

焉

志府

徐甫宰山陰人嘉靖己未以舉人令武平奉檄覈餉至州適倭入寇州牧柴某病篤以印屬甫宰率民守城簡勇士爲遊兵與渠酋大戰金字山賊盡殪

會夜賊攻東南甫宰令急備西北賊果從西北梯城守兵投巨石以擊賊遁去已而倭大至合圍攻城登北埤下石如雨甫宰守益嚴發砲擊賊死甚多乃焚東郊而去州得以全後以勦武平山寇功

擢僉事

府志

按甫宰見前志汀州名宦因事不同故存之

羅文靖號次山南昌人萬歷中以舉人知州事操履廉潔政尚寬恕州故有里役銀五百素爲官吏乾沒文靖首革之去之日行李蕭然民爲立祠

府志

史起欽號敬所鄞縣進士萬歷中知州事年少敏達

福建續志

卷三十 名宦四

十

於瘡痍甫定之時以寬仁濟之興衰起廢修公署學校濬城河置學田建文昌閣秩滿擢常州郡丞

府志

楊繼時錢塘人萬歷間知福安縣折獄如流剔蠹殆盡修學校置學田擴泮池尋以艱去士民愛之

府志

金汝礪字頤德平湖進士萬歷間知福安縣擴東北城造西門壩絕內璫徵求坑冶之害殲盜魁直冤枉增應試額立賑貧田在任七年如一日及去士

民立祠以祀

府志

利灌博羅人以歲貢任寧德訓導時倭變後城郭邱

墟寄居山寺風雨淒其晏如也同官胡德邁疾卒
醫藥殯葬傾貲以助終兩府教授志府

舒應元號及吾南昌舉人萬歷中知寧德縣留心建
置凡學廟祠壇城垣縣治煥然一新復置學田以
資月課著有寧德縣志寧陽政紀志府

鄒用章宜黃人萬歷中以舉人知寧德縣邑北有溪
每山水迅發徒涉者苦之用章捐金造橋民爲建
碑頌德又建鄒侯芟憩坊於北郊

劉若何順德人弱冠登賢書萬歷中知壽寧縣鯁直
不避權貴時邊餉孔亟上官飛檄如雨若何以壽

福建續志

卷三十 名宦四

十一

邑凋殘寧受下考去日行李蕭然士民送者泣下

志府

張元新會人萬歷中以舉人知壽寧縣增修義學躬
自督課凡貧生有不能喪葬者出俸金賻之聽斷

明允邑無冤民志府

區懷素高明舉人崇正十一年知壽寧縣捐俸修城

後山寇之變邑賴以寧志府

洪祖烈字定遠吳江人萬歷武進士授金山衛把總
陞汀州守備有捍禦功崇正間歷官京營神樞叅
將加後軍都督未幾留都陷祖烈從唐王走浦城

順治三年 大兵收閩至浦城祖烈被執見 貝勒不跪諭之降答曰負國不忠辱先不孝忠孝兩虧何用生爲 貝勒問以餉曰有餉卽戰何至於此百姓欲爲代輸祖烈不可曰何忍以我故重累汝等且爲奇男子而從敵人求活乎嚼舌大罵令牽出斬之祖烈奮身奪刀自刺胸死同時死者鄭爲虹等十餘人

沈彤吳志

國朝

戴廷輝字子山東萊人以太學生隨 王師入閩授寧德縣嚴明仁恕辨枉擊奸招集流亡獎勵學校

福建續志

卷三十 名宦四

十二

捐粥賑饑市牛種以給窮民民懷之祀名宦

府志

金光緒字九光德州人順治六年知寧德縣時因海寇民多逃亡光緒招徠勸諭歸農者衆九年謝事

去民皆感泣

府志

李卽龍字子潛雄縣人順治己丑進士知寧德縣丙申海寇猖獗卽龍守禦備具寇不敢近民賴以安

府志

張禮號寶山榆林衛人順治初以遊擊駐寧德時山海交訌剽掠無寧日禮設奇扼險屢挫賊鋒賊懼宵遁邑賴以安平居恤民愛士有儒將風

府志

周士元監利人康熙三十三年任總兵樹松木浚城
濠建義學置義冢至今頌之志府

蔣國榮奉天鑲藍旗人康熙三十八年知福安縣秋
大水哀鴻滿目國榮賑恤安集民無流亡志府

閻達禹遼東人康熙二十七年知寧德縣修明倫堂
置義田以給士貧者延師教之志府

余震號海如進賢人康熙三十年知寧德縣隆學校
恤窮民時防兵肆虐繩以法無敢爲暴旣去士民
建祠立坊於西門外志府

嚴德泳烏程人康熙五十年知福安縣建啓聖祠興

福建續志

卷三十 名宦四

十三

紫陽書院先是白石司渡夫及里胥考綱滋弊德
泳卽詳革之以最擢戶部主事志府

程豫四川人康熙四十二年知寧德縣減免綱銀民
丁無派累之苦弛海禁許捕魚民賴以生去之日
環聚號泣祖送數十里志府

尹鑣字和鸞貴州舉人康熙五十七年知壽寧縣察
民疾苦裁革徵派之累性慈祥不事鞭扑民感之
無訐訟者囹圄爲空在任九年清操不渝志府

方伯字戴濱潁州進士由湘潭令調知壽寧性嚴肅
人無敢干以私先是里長催徵名曰排年受累最

苦伯改滾單法吏胥無所容其奸民甚德之志府

顏光昨號宜庵亳州人雍正元年總兵開羅漢山沮址以備旱潦歲荒運米以賑尤加恤戍臺兵人懷

之志府

潘毓賢雍正間任寧德縣丞駐防周墩轄七里三十餘村俗以沙冷多棄地毓賢教民樹麥給以麥種不責其償數年麩麥盈野至今賴之志府

馬大紀字冀周上元舉人雍正十一年任壽寧縣報豁浮糧千戶在任十一年囹圄空虛去官之日行

李蕭條志府

福建續志

卷三十 名宦四

十四

潘質原字德載濟寧州人任壽寧縣修城池建文昌祠造東西木柵邑有兵米與民糧混吏掾因緣爲奸質原爲剔其弊民至今賴之志府

冷岐輝嘉定人雍正十二年以舉人知州事適州陞爲府附郡設霞浦縣卽管縣事經理一切公廨壇宇及建設章程皆井井有條時有冷慈父之稱擢

順天治中志府

路以周招遠人雍正十二年以舉人知福安縣繕文廟建尊經閣修學志培西郊水壩去之日人爲立

碑建亭曰路公亭志府

傅維祖鄞縣舉人乾隆四年知福鼎縣時邑初建凡公署學宮祠壇廟宇草創經畫具有條理志府

藍應襲大埔舉人乾隆六年知霞浦縣事廉能有聲尤雅意作人童子試拔其尤者延師教之皆有成

就志府

吳鵬字程遠南安副榜任福安教諭謙和古樸喜文章以文質者方飯投箸立正士林戴之志府

周天福亳州人乾隆九年知寧德縣戢暴除奸重儒興學建鶴峰書院文昌閣和義門西湖橋士民祀之遺愛祠志府

福建續志

卷三十 名宦四

十五

丁居信字南屏儀徵人由庶吉士改知壽寧縣下車修文廟築治前石橋鑿灘河開衢路振興學校暇則與士論文在任三年調鳳山再補南平卒於

官志府

蕭克昌咸陽舉人乾隆二十年知福安縣潔己愛民捐膏火以造士復修理學宮城垣橋道靡不畢舉奉調入闈以勞卒士民哀之志府

康天墀龍溪人乾隆辛酉舉人屢秉鐸能盡其職二十一年陞福寧教授每日親至文廟灑掃祭則備物盡志嘗捐浚泮池鑿石豎櫺星門攝縣學改

建五王祠重新兩學木主課士論文終日不倦卒於官囊無餘貲

府志

臺灣府

國朝

季麒光無錫人康熙丙辰進士二十三年知諸羅縣事時縣治初設人未向學麒光選童子之俊者禮之親爲辨難士被容接如坐春風在任踰年首創臺灣郡志未竣以憂去三十五年副使高拱乾因其藁纂成之

府志

張尹崢縣人歲貢生康熙二十九年知諸羅縣以憂

福建續志

卷三十 名宦四

十六

去服闋補漳浦再調諸羅見邑治新造多曠土招徠墾闢撫綏有方流民歸者如市三十一年蝗尹日巡行阡陌間竭誠祭禳蝗不爲害莅任四年未嘗輕笞一人慢辱一士居無赫赫之名去後嘗令人思遷河南彰德同知邑人肖其像於郡治竹溪

寺

府志

王仕俊鑲紅旗監生康熙四十三年知臺灣縣前任陳清端瑣倡修文廟以內召未竣仕俊踵成之復建義學延師課士斷訟精明多平反故令李中素因浥爛倉穀羈留家屬賠補事逾十載仕俊代

爲補苴旅櫬得歸莅任四年以勞卒於官

臺灣縣志

黃叔璥字玉圃大興人康熙己丑進士六十一年新設巡臺御史叔璥首膺是命安集措置多得當著有赤箴筆談番俗六考採摭最富後之脩郡志者率取資焉

府志

王作梅河內人康熙己丑進士雍正二年任海防同知時廈門有商艘往來澎島與臺灣小船偷運接盤米穀名曰短擺作梅廉知急捕之併發官弁交通狀提標哨船二十餘艘絡繹來臺貿易號爲自備哨凡出入口不由查驗作梅詳請禁革他若

福建續志

卷三十 名宦四

十七

客頭勾引偷渡久成錮弊作梅擒首惡痛懲之積習爲改民愛之傳頌不衰

府志

夏之芳字荔園號筠莊高郵人雍正癸卯進士官御史六年巡視臺灣兼理學政以澄敘官方振興文教爲己任歲科兩試至公且明按巡南北路鷄犬不驚性廉介絕苞苴接物樂易冲和絕少崖岸尤爲僚屬所敬服著有海天玉尺二編

府志

林天木字荔山潮州人雍正癸卯進士官兵科掌印給事中十一年巡察臺灣取士以品行爲先接僚屬嚴而和人敬愛之

府志

方邦基字樂只號松亭仁和人雍正庚戌進士調知鳳山縣請減重賦免浮糧民番感之有貧不能娶者妻母欲令其女改適訟於縣爲擇吉捐貲使得完娶民婦被崇爲禱於神忽雷震怪走入地掘之得猴子髑髏有血濡縷怪遂絕丁艱歸服闋陞臺灣同知革陋規禁書役需索凡商船驗畢卽放行尋遷知府改建公署平放兵糧廉敏著聞渡海遭風溺於水子卹贈朝議大夫布政使司參議 賜

祭葬

臺灣縣志

覺羅栢脩鑲紅旗人以御史巡臺雍正十年北路大

福建續志

卷三十 名宦四

十八

甲西社番肆逆趨赴軍營籌畫餉運以軍功議敘晉內閣學士兼禮部侍郎

楊二酉字學山太原人雍正癸丑進士以御史巡臺奏建海東書院以造士南門內秀峰塔亦其所規

畫也

府志

張湄字鷺洲錢塘人雍正癸丑進士由編修改御史巡臺灣嚴稽昌籍校士公明所著有珊枝集瀛壖

百咏

府志

曾曰瑛字芝田南昌人乾隆十一年調臺灣淡水同知攝彰化篆建義學以教人士擢汀州知府郡有

龍山書院鞠爲茂草曰瑛捐俸繕葺復纂府志築教場隄百廢俱舉每巡行各邑設旌善懲惡二簿籍其姓名獎戒有差士習民風爲之不變調知臺彎府值天旱步禱烈日中旬餘得雨而曰瑛遂病喝卒民哀思之

香草齋文鈔

永春州

唐

王顥字還古唐大中間爲桃林場長有惠政盛均記曰鶯泊未還祿爲親屈莫邪曾試犀象無全

書

顏仁郁歸德場人爲本場長時政荒民散仁郁撫之

福建續志

卷三十 名宦四

十九

一年襁負至二年田萊闢三年民足用有詩百篇宛轉回曲歷道人情邑人途歌巷頌之號長官詩其諭農詩曰夜半呼兒趁曉耕羸牛無力漸艱行時人不識農家苦將謂田中穀自生

書

宋

林滂開寶三年知永春縣縣溪自卓埔而上湍流駛激盤阜紆蹙不利裝載滂鑿去馬甲山門滑石西涵四險灘大爲民便

書

歐慶字貽孫乾德人以彭州軍事推官知縣事故與中書令鄧文懿同邑同時文懿貴顯於朝慶爲州

縣吏所至上官多鄧故舊絕口不道終其去人不知其爲鄧友也作吏廉貧以厚德名於里

歐陽文忠集

閩書合纂

傅誠字叔汶嘗師朱子淳熙進士授永春尉力辨陳介珪冤納告憲臺求去冤卒得直侍郎黃艾使北奉辟爲屬遷太常博士與眞德秀交好寧宗朝論對頗鯁切暴卒殿下人盡惜之

閩大紀

明

王忠上海人洪武三十三年爲永春丞勤吏事蠲稅糧均徭役奏革額辦段疋民德之

閩書

福建續志

卷三十 名宦四

二十

王貞永嘉人洪武九年任德化謹身正己一清如水涖民如撫嬰孺待士如接賓客一時風化淳穆好娛情山水公餘援琴賦詩悠然自得

閩書

溫琇新會人永樂中知永春寬而愛人勸農興學均役平賦嘗奏減歲造皮張士民德之

閩書

杜住西安人宣德間知永春蒞政之日首詢民疾苦先學校重教化延碩士以教諸生政事精敏吏畏民懷卒官無長物

閩書

葉珠上饒人知永春地舊有桃源驛明初罷凡送迎廩餼之需一切責辦里甲時議以永德二縣田糧

幫貼水口晉安康店等驛遣官督併民幾變珠嘆
曰昔之牧長若王忠溫琇錢宗顯輩皆能減民歲
辦惠此一方予何弗能力忤當道上疏乞休當道

感動乃除之

閩書參
舊邑志

陳宗全廣東人宣德十年知德化縣明恕廉介先教

後刑未幾邑中大治

閩書

胡潛字孔昭績溪人宏治間知德化縣居官三年廉
潔自持凡水利橋梁廨舍悉捐俸倡修訟者常勸
化之使自省鞭撲不施囚繫不及老幼以艱去

縣志

徐衡常山人嘉靖中爲永春訓導柴鑣同時甚爲所

福建續志

卷三十 名宦四

二十一

重陳琛稱其以垂白之年孜孜進學而時出所得

以淑士

閩書

許仁字元夫仁和人嘉靖七年知德化縣毀淫祠創
社學設學租築射圃復教場甃壇墼濬丁溪修春
波樓繕廨署建名宦鄉賢祠置漏澤園養濟院多
著政績後改調同安

縣志

劉三錫廬陵舉人嘉靖間知永春遭寇亂之後首詢
民瘼痛自節約上供之外一切常例悉罷之署篆
晉江爲當道器重以艱歸民遮送信宿慰而遣之
服闋陞本府通判邑人喜躍奔迎於家竟高臥不

起

閩書叅
舊邑志

梁道凝鄖西人知永春才諳明敏情僞至前瞭然洞
矚邑有鉛礦聚衆蓄奸親詣封閉莫敢撓者戢隸
役不得下鄉署晉江南安皆有異績以憂去

閩書
叅舊

邑志

胡惟立高安人舉人嘉靖間知德化縣廉介自持常
賦外不取加耗勤慎蒞事案無留牘輕徭役恤困
窮卒於官邑人懷之

縣志

緒東山號三南馬平人嘉靖舉人知德化縣訟清政
簡建丁溪書院日進諸生而教之置學田爲廩膳

福建續志

卷三十 名宦四

二十二

資構駕雲亭復古義社邑士民祠於龍潯山之麓

縣志

張大綱字立卿龍川人嘉靖間知德化縣前令鄧景
武築城新就大綱復營建使堅厚適永春賊呂尙
四薄城綱親督戰悉擒斬之尤惠愛百姓作興人
文創建書院於龍潯山之麓

縣志

秦霑崑山人隆慶舉人知德化縣遷學宮於城外大
洋山之陽費不煩而事集諸生德之與緒東山竝

祠

閩書叅
縣志

丁永祚南昌舉人知德化縣豁鹽稅絕關提抑豪強

邑民尙氣涵濡漸化之不怒而威闢邑南門建樓
其上調福清歷官湖廣副使志縣

俞喬休寧人嘉靖舉人知大田縣公廉有威山寇竊
發盡力防禦邑賴以全卒於官志縣

蘇黎庶番禺人嘉靖舉人知大田縣時當兵侵之後
招撫安輯賑民課士完城塹創敵樓政治化流行
部使者疏其賢超擢廣西平樂府同知田種台文集

林大儁字惺非隆安人萬歷舉人知德化縣建狝霄
塔濬丁溪故道勤督課口授耳提人士歸之志縣

桂振宇號蓋我石埭人知德化縣慈惠和易勸民藝

福建續志

卷三十 名宦四

二十三

麥而給以糧教民醫療而濟以藥修學宮鑿泮池
創寅賓館築春臺置遺愛祠葺城隍甃龍津鳴鳳
二橋成巽方塿百廢俱舉復釐剔侵沒學田以資
膏火諸生王乘乾貧不能婚資金代聘楊經沒貧
無以殮爲棺衾而葬之志縣

諸大木號巽齋餘姚人萬歷舉人知大田縣清伍符
省郵傳飭坊市崇學宮繕祠宇完城塹建遺愛祠
百廢俱舉志縣

王永吉號鐵山高郵人萬歷進士知大田縣有能聲
邑有鄉紳田姓者嘗宴前令於園中席未及半令

忽瞶瞶不能語急扶回死矣田姓逮繫獄久不決
永吉廉得其情因邀恤刑同至其園折毀垣墻於
中得毒蛇盈數石永吉曰砌古則陰沴積當有蛇
虺窟穴其中涎墜餉中誤食之無不立斃者前令
之死由此也獄遂得解後仕至尙書讀律
佩觿
盧敬號穗溪東莞人大田主簿署縣事猝有賊至挺
身與戰賊被創而遁旋復駐境上敬與典史孫熙
禎日馳數十里與戰敗之邑賴以寧田種台
文集
魏謙字益之慈谿人萬歷乙亥爲大田尉有機智每
盜賊竊發用計擒之四境以安縣志

福建續志

卷三十 名宦四

二十四

國朝

黃琮江寧人順治三年知德化縣寇莊廷書張益薄
城城中食盡茹草守將棄城遁琮不屈死之縣志

鄭名普寧進士知永春時當兵燹城邑邱墟名勞來
備至民賴以安公署倉庫次第修葺以憂去

鄭功勳字震寰正黃旗人知永春縣修邑志嚴保甲
弭盜省刑邑大治復建朱子祠文昌閣以培士氣

陞西隆知州續縣志

許其誼字子正陝西人進士知永春不避權勢剔蠹
愛民設義學以造士時提弁爪牙入永抽稅力請

禁革之邑賴以安漳寇犯境率兵民搗其穴平之

續縣志

王世爵榆林人以千總駐防德化順治十四年與寇

林忠戰於螺坑力盡死之

縣志

王欽祖閩縣人康熙十八年任德化教諭慷慨好義

在庠寒士多所推解捐俸百餘金修文廟重建

龍津橋士論高之

縣志

葉振甲字彰祖慈谿舉人康熙二十一年宰大田葺

文廟修邑志時議增鹽課及採辦楠木振甲力爲

民請命事得寢以最擢工部主事

福建續志

卷三十 名宦四

二十五

于翰翊字雙邨正黃旗人知永春嚴保甲清冒籍詳

增學額四名捐置義塚修各關隘葺東嶽廟民德

之

續縣志

范正輅字載瞻鄞縣人康熙丙午舉人知德化縣禁

溺女勸種植建義學設常平倉葺賓陽北鎮二樓

繕堂廡置寅賓館築橋梁修邑乘以勞卒於官

縣志

王一導字惕齊黃岡人康熙丁丑進士四十年知德

化縣邑舊有節禮硃價例銀八百餘金里甲派供

多至蕩產一導捐除之聽斷平允案無留牘任一

年以艱去

縣志

張廉臨桂人康熙四十七年以舉人知大田縣時寇盜猖獗一鎮以靜鋤強扶弱民獲安堵邑人祠祀之

王調元字燮公義州人康熙四十八年知德化縣明倫堂圯捐俸修建奸匪陳五顯抄略鄉村立收捕之境賴以寧

縣志

俞兆岳海寧人康熙五十一年以明經知大田縣爲政持大體恩威互用人畏愛之調臺灣知縣下車與神誓以廉正自矢每巡行村落詢民疾苦如家人父子有所訊鞠辭色懇摯民不忍匿其情歷官

福建續志

卷三十 名宦四

二十六

至吏部侍郎

永春臺灣
志合纂

熊良輔蒼谿人康熙己卯舉人知德化縣建櫺星門及雲龍橋時永春奸民陳謀嘯聚山谷督鄉兵勦捕民得不擾

縣志

游祿勉字季迪永福人以貢授大田訓導修明倫堂學舍儀門泮橋著有田陽詩文草四卷陞上杭教諭卒子紹安任南安太守贈如其官

福州府志

力子侗號知庵候官人康熙五十四年教諭德化修學宮置祭器手輯 聖廟祀典四卷

縣志

徐有經字松陽西和人拔貢乾隆十六年任大田修

學宮葺書院繕城隍廟建迎恩亭鎮東橋以勞卒
杜昌丁字松風青浦人雍正七年以副貢知浦城縣
盡革無名科歛宿弊一清勤課士優禮其賢者以
最擢永春知州纂縣志築衛城壩建貢士院增闢
書院學舍牧永二十七年政久化成民安其業卒
於官貧無以殮州人士爭賻之櫬乃得歸增補浦城縣志
龍巖州

明

趙榮祖淮安人洪武三年由都督府掾知龍巖縣幹
濟通敏爲政以安民爲務興利革弊百廢俱舉民

福建續志

卷三十 名宦四

二十七

蒙其惠卒於官

州志

伍星奎合浦舉人成化間知龍巖縣興學校立鄉賢
祠建南門樓設預備倉於各鄉邑人思之州志

林濟民字廷泰海陽人弱冠時母病篤強命娶婦入
門而母卒哀毀踰禮及葬廬於墓服闋始合番鄉
邦稱之領成化丙午鄉薦授龍巖教諭以身率人
陞贛榆知縣有廉惠稱州志

徐鳳岐字文明武義人正德間知漳平縣邑初未有
城宏治間流寇洊至屢爲民梗至是寇復壓境鳳
岐力禦之寇遁乃築城垣甃以甃石民賴以安又

於城南龍江造舟爲梁以濟行旅治行卓然續傳

謝思木字汝仁耒陽舉人正德十六年知龍巖縣嚴

毅廉明百廢俱舉尤加意學校常市穀三千七百

餘石立義倉卒於官

州志

施信餘姚人嘉靖二年由舉人知漳平有德澤及民

越數百年而士民戴之與後令劉鑄竝祀

漳平縣志

吳守忠高安人萬歷十七年由舉人知龍巖縣至卽

革里班宿累時奉文分折漳平得業米七百八十

石有奇米去丁存巖民病之乃力爲請命丁隨糧

配將莊戶另爲一圖一體著籍當差尤嚴禁服毒

福建續志

卷三十 名宦四

二十八

造蠱諸惡習民風一變

州志

朱泰正字道子海鹽人萬歷進士四十五年知龍巖

縣歲饑發賑廉倡亂者置之法邑大水漲沒城堞

泰正立水中祈丐撤邑匾付洪流雨遂止發贖緩

一千二百有奇分賑災民築城牆修龍津橋後調

漳浦未幾擢雲南道御史

州志

彭坂南昌舉人萬歷四十五年知漳平縣爲政以緩

徵息訟爲本精聽斷絕苞苴每有災祲不憚爲民

請命以最調上杭

余應桂字二磯都昌人萬歷進士天啓中知龍巖縣

廉介有守喜造士尤精於剔蠹刷奸凡苛稅及額
外耗費一切報罷建砥中樓修龍津橋饑民率衆
攫金應桂治其渠魁餘皆屏跡因以便宜出倉儲
賑濟所活無算尋調海登擢監察御史州志
何九雲晉江舉人崇正間漳平教諭捐俸建陳布衣
祠購廩稅以供歲祀又於東山寺側構堂講學置
學田每釋奠必親務豐潔前後居官者鮮有其匹
登癸未進士官翰林州志

國朝

沈穆杭州人漳平訓導善造士被其容接者如坐春

福建續志

卷三十 名宦四

二十九

風時鼎革之初悍卒遇人士無狀令長防弁率睥
睨巨室諸子衿惴惴不自保卒獲全者穆撐持卵
翼之力居多州志

查繼純海寧人康熙十九年知漳平縣操履端潔泣
治精勤興利革弊民愛服之中蜚語去士民攀號
如失怙恃當道廉其冤事得白州志

沈荃湖州人知寧洋縣修建文廟殿堂門廡一新
復繕城樓開北門之閉塞以通民前縣蕭亮有祠
爲弁兵所踞荃捐俸建弁署及營房祠得以復又
造橋梁興書院修邑乘百廢俱舉州志